



UNIVERSITÄTS-
BIBLIOTHEK
PADERBORN

Universitätsbibliothek Paderborn

Capitularia Regvm Francorum

Additae sunt Marculfi monachi & aliorum formulae veteres, & Notae
doctissimorum virorum

Baluze, Etienne

Parisiis, 1677

Recapitulatio solidorum.

urn:nbn:de:hbz:466:1-19366

LEX
SALICA.

II. Si quis hominem sine consensu iudicis de ramo ubi incrocatus est deponere præsumpserit, mille ducentis denariis, qui faciunt solidos triginta, culpabilis iudicetur.

III. Si quis caput hominis, quod inimicus suus in palo miserit, sine permisso iudicis aut illius qui eum ibi posuit tollere præsumpserit, sexcentis denariis, qui faciunt solidos quindecim, culpabilis iudicetur.

IV. Si quis vivum hominem de furca dimiserit, quatuor mille denariis, qui faciunt solidos centum, culpabilis iudicetur.

LXX. *De eo qui filiam alienam quaesierit, & se retraxerit.*

Si quis filiam alienam ad conjugium quaesierit presentibus suis & puellæ parentibus, & postea se retraxerit, & eam accipere noluerit, bis mille quingentis denariis, qui faciunt solidos sexaginta duos

cum dimidio, culpabilis iudicetur.

LXXI. *De terra condemnata.*

Si quis terram alienam condemnaverit, & ei fuerit adprobatum, bis mille quingentis denariis, qui faciunt solidos sexaginta duos cum dimidio, culpabilis iudicetur.

In codice Mazarino bibliothecæ regie sequens caput additur in fine legis Salicæ.

LXXII. *De iniuncto stricto.*

I. Si quis pitto alterius excusserit invita stricto, centum viginti denariis, qui faciunt solidos tres, culpabilis iudicetur.

II. Si verò contra voluntatem domini, & negare voluerit, & ei fuerit adprobatum, capitale restituat, & insuper mille quadringentis denariis, qui faciunt solidos triginta quinque, culpabilis iudicetur.

EXPLICIT LEX SALICA.

RECAPITVLATIO SOLIDORVM.

Sciendum est quod in quibusdam libellis legis Salicæ inveniuntur capitula principalia sexaginta quinque, in quibusdam verò septuaginta, in quibusdam etiam paulò plus aut paulò minus. Continentur alia capitula in quibusdam codicibus CCCLVIII. in quibusdam verò plus minusve. Habent etiam species in quibusdam libellis viginti septem, in quibusdam verò minus vel paulò plus.

Inquirendum est compositionis legis Salicæ quot varietates, & quem numerum perminimum, quem verò permaximum habeant divisionis. Compositiones sunt CCCLVIII. varietates XXXI.

I. Incipit autem à septem denariis, ut si quis agnum furaverit.

II. Inde ad decem, ut si quis alterius messem damnaverit.

III. Inde ad solidum unum, ut si quis porcellum, qui sine matre vivere potest, foris domum furaverit.

IV. Inde ad solidum unum & tremissem, ut si quis alterius servum cædit.

V. Inde ad solidos tres, ut si quis tres capras furaverit. Hæc compositio trium solidorum in quadraginta tribus locis legis Salicæ habetur.

VI. Inde ad solidos tres & denarium

unum, ut si quis viduam in conjugium voluerit sociare.

VII. Inde ad solidos quinque. Hi sunt qui in raptu secundum legem componunt. Hæc compositio in duobus locis habetur.

VIII. Inde ad solidos sex pro redemptione servi ut non castratur. Hæc compositio sex solidorum in quinque locis habetur.

IX. Inde ad solidos septem & dimidium, ut si quis scrofam alterius subbatit ut porcellos non habeat.

X. Inde ad solidos novem, ut si quis alterum clauso pugno percusserit. Hæc compositio novem solidorum in tribus locis habetur.

XI. Inde ad solidos duodecim & dimidium, ut si quis servum ministerialem in mortis periculum immiserit, & eum Deus liberaverit.

XII. Inde ad solidos quindecim, ut si quis sponfam alterius tulerit. Hæc compositio quindecim solidorum in nonaginta & tribus locis habetur.

XIII. Inde ad solidos septemdecim & dimidium, ut si quis alterius verrem furaverit. Hæc compositio septemdecim solidorum cum dimidio in tribus locis habetur.

XIV. Inde ad solidos viginti duos & dimidium, ut si quis tributarium Romanum in pelagus impinxit.

XV. Inde ad solidos viginti quinque, ut si quis servum ministerialem occiderit. Hæc compositio in duobus locis habetur.

XVI. Inde ad solidos triginta, ut si quis alterius ancillam furaverit. Hæc compositio triginta solidorum in viginti sex locis habetur.

XVII. Inde ad solidos triginta quinque, ut si quis servum alterius furaverit. Hæc compositio triginta quinque solidorum in viginti octo locis habetur.

XVIII. Inde ad solidos quadraginta quinque, ut si quis vvaranionem furaverit. Hæc compositio quadraginta quinque solidorum in triginta sex locis habetur.

XIX. Inde ad solidos quinquaginta, ut si quis Romanum in pelagus impinxit.

XX. Inde ad solidos sexaginta duos & dimidium, ut si quis hominem percutere voluerit cum gladio, & cum non tetigerit. Hæc compositio sexaginta duorum solidorum cum dimidio in quadraginta locis habetur.

XXI. Inde ad solidos septuaginta, ut si quis servum aut ancillam ministerialem furaverit.

XXII. Inde ad solidos septuaginta quinque, ut si quis servum ministerialem in hoste occiderit.

XXIII. Inde ad solidos nonaginta,

ut si quis vvaranionem Regis furaverit. Hæc compositio nonaginta solidorum in tribus locis habetur.

XXIV. Inde ad solidos centum, ut si quis Romanum occiderit. Hæc compositio centum solidorum in viginti quatuor locis habetur.

XXV. Inde ad solidos centum octuaginta septem & dimidium, ut si quis mulierem striam vel meretricem clamaverit.

XXVI. Inde ad solidos ducentos, ut si quis hominem ingenuum occiderit. Hæc compositio ducentorum solidorum in septemdecim locis habetur.

XXVII. Inde ad solidos trecentos, ut si quis lidum alienum in hoste occiderit. Hæc compositio trecentorum solidorum in duobus locis habetur.

XXVIII. Inde ad solidos sexcentos, ut si quis hominem ingenuum in hoste occiderit. Hæc compositio sexcentorum solidorum in quatuordecim locis habetur.

XXIX. Inde ad solidos septingentos, ut si quis mulierem habentem in utero parvulum occiderit.

XXX. Inde ad solidos nongentos, ut si quis Romanum vel lidum in truste dominica occiderit.

XXXI. Inde ad solidos mille octingentos, ut si quis hominem in truste dominica occiderit & in puteum jactaverit. Hæc compositio mille octingentorum solidorum in duobus locis habetur.

INCIPIUNT SENTENTIÆ DE SEPTEM septenis, hoc sunt pariculas causas.

I. **S**I quis basilicam incenderit, solidis ducentis culpabilis judicetur. *Titulo LVIII. cap. 1.*

II. Si quis Francus Francum occiderit, solidis ducentis culpabilis judicetur. *Tit. XLIII. cap. 1.*

III. Si quis villam alienam adfallerit, & ibidem ostia fregerit, & canes occiderit, & homines plagaverit, vel aliquid exinde in carro duxerit, solidis ducentis culpabilis judicetur. *Tit. XVI. cap. 3.*

IV. Si quis alicui herbas dederit bibere

unde moriatur, solidis ducentis culpabilis judicetur. *Tit. XXI. cap. 1.*

V. Si quis uxorem alienam tulerit vivo marito, solidis ducentis culpabilis judicetur. *Tit. XIV. cap. 12.*

VI. Si quis hominem mortuum effodierit & expoliaverit, solidis ducentis culpabilis judicetur. *Tit. XVII. cap. 2.*

VII. Si quis Francus Francum venderit, solidis ducentis culpabilis judicetur. *Tit. XLI. cap. 4.*

